



Nā Hana Ho'opulapula ma Maui

No ka Ho'opa'a 'ana i ka Lepo ma Kou Wahi


Nowemapa 1, 2023

Pu'upā akula 'o Maui i ke ao nei. He nani ka pāna'i hou aku.

- E kīkī aku ka EPA i ka uhina ho'opa'a lepo ma luna o ka lehu pō'ino ma lalo o ke kauoha o nā ke'ena like 'ole o Maui.
- E kīkī aku paha ka EPA i ua uhina ho'opa'a lepo nei ma luna o nā wahi pauahi ma mua a i 'ole ma hope o ka ho'i 'ana o nā hoa kaiāulu.

Nā Hana **Ma Mua** o ke Kīkī 'ana aku i ka Uhina Ho'opa'a Lepo:


- E nānā pono ka EPA i ka wahi a me nā wahi e pili pū ana i nā holoholona lōhiu, nā kāhānai, a me nā lā'au.
- E hele pū kekahi monika mo'omeheu Hawai'i me ka EPA e hō'oiā i ke kīkī 'ole 'ana i nā wahi kaulana a ko'iko'i o Lahaina a me nā wahi kupuna i loa'a nā mea makamae a i 'ole ka lehu kino kanaka.



He 'ino mākā'uka'u a nui ka pH ia lehu pa'u ahi i koe a me nā 'ōpala i ke ola o ke kanaka a me ke ao kūlohelohe. Ke komo 'oe i kahi pauahi, e makā'ala a e ho'omākaukau i palekana 'oe a me nā hoa 'ē a'e. E komo i nā lole palekana a e heluhelu pono i ka puke komo hou.

Nā Mea e 'Ike 'ia ma Kou Wahi **Ma Hope** o ke Kīkī 'ana aku i ka Uhina Ho'opa'a Lepo:

- He uhina aniani lahilahi ma luna o nā mea i kīkī 'ia aku.
- Ha'iha'i wale ua uhina nei
- He 'awahia 'ole ka uhina ho'opa'a lepo ke malo'o.



I hemo ka Soiltac® ma luna o kekahi mea i loa'a hou i ke kanaka, e kaka i ka wai wela a i 'ole e ho'omāhu 'ia a e kāwele i ke kāwele palupalu.



Ki'i o nā limahana ma kekahi wahi pauahi e kū a'e nei ka lehu; ua pa'i ki'i 'ia ma mua o ke kīkī 'ana i ka uhina ho'opa'a lepo.



Ki'i o nā limahana ma kekahi wahi pauahi ma hope o ke kīkī 'ana i ka uhina ho'opa'a lepo; 'a'ole hiki ke 'ike i ka lehu e kū lewalewa nei.

Nā Mea e kīkī 'ia aku:

- ✓ Ke kahua e wehe 'ia e ka U.S. Army Corps of Engineers ma ka Mahele 2.
- ✓ Ma lalo o ke pani 'enekini o ke ka'a, i loko o ia mau ka'a, a me nā wahi e pili pū ana.
- ✓ Nā mahele like 'ole o ka hale i koe ma ka wahi A ME kahi awe pale ahi paha.

Nā Mea e kīkī 'ole 'ia aku:

- ✗ Nā wahi ma waho o ke kahua hale he lehu 'ole (e.l. ka pā hale, ke alakaiwa).
- ✗ Nā lā'au a me nā meakanu.
- ✗ Nā kāhānai.
- ✗ Nā kūmole mo'omeheu, nā wahi kaulana a ko'iko'i o Lahaina, a me nā wahi kupuna i loa'a nā mea makamae a me ka lehu kino kanaka.

He Mau Nīnau Ma'amau

Hiki ke koho i ke kīkī 'ole 'ana?

'A'ole. E kīkī 'ia aku ka uhina ho'opa'a lepo ma luna o ke kahua o nā wahi pauahi a pau ma Lahaina (koe i nā wahi kupuna) i pale ke ola o ke kaiāulu a me ke ao kūlohelohe.

He ho'opō'ino ka Soiltac® i ke ola o ke kanaka?


Ua 'imi aku ka EPA i nā mea i loko o ka Soiltac® e hō'oiā:

- He 'awahia 'ole ka uhina ho'opa'a lepo ke malo'o.
- 'O ke kīkī 'ana aku i ua uhina ho'opa'a lepo, he mea ia i 'oi a'e kona pono no ke ola pono 'ana o ke kaiāulu a me ke ao kūlohelohe, 'o ka 'āina a me ke kai, ma kahi o ka waiho wale 'ana aku i ka lehu 'ino a me ka 'ōpala ma kona kūlana e kū nei.

He hunahuna ea ka Soiltac®? E komo paha i ke ao kūlohelohe ma nā kaiaola like 'ole?

- He ea 'i'o nō ka Soiltac® (ke malo'o a pa'a) i ka wehewehena pekelala, akā na'e, i ka mana'o o ka EPA, 'a'ole e ha'iha'i 'u'uku loa 'ia kēia e loli aku ai ia uhina i hunahuna ea.
- E wehe 'ia a hemo palekana ka Soiltac® me ka lehu a me ka 'ōpala ma ka Mahele 2.

No ka hana a EPA, e ho'oka'a'ole mai ma:

 Kelepona: 808-539-0555

 Leka Uila: R9Wildfiresinfo@epa.gov

 Kahuapa'a: epa.gov/maui-wildfires